

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1808302363, 1808323021, 1808385532, 1808421183, 1808375115 և 1808406867 որոշումներն անփոփոխ թողնելու, իսկ թիվ 1808303138, 1808299064 որոշումները բեկանելու և վարչական վարույթը կարճելու մասին

<<06>> 09 2018թ. 17-13-98971-18/17-13-10200

ք. Երևան

«Ոստիկանության ճանապարհային ոստիկանության պետ, ոստիկանության գնդապետ Ե. Կարապետյանս, վերանայելով Էլիանոռա Տրիբունսկայաի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Կիլյան փողոցի 1 շենքի 37 բնակարանի բնակիչ Էլիանոռա Տրիբունսկայաը դիմումով խնդրել է վերանայել Ճանապարհային ոստիկանության վարչական տույժ նշանակելու մասին թիվ 1808302363, 1808323021, 1808385532, 1808421183, 1808375115, 1808406867, 1808303138, 1808299064 որոշումները՝ նշելով, որ համաձայն չէ իրավախախտումների հետ:

Դիմումի քննարկման արդյունքում պարզվել է, որ դիմումատուի խնդրանքը ենթակա է մասնակի բավարարման հետևյալ պատճառաբանությամբ.

«Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին»» ՀՀ օրենքի 6-րդ հոդվածի 1-ին և 2-րդ մասերի համաձայն՝ իրավախախտման հատկանիշների պարզումը վարույթ իրականացնող վարչական մարմնի կողմից տեսանյութում կամ լուսանկարում ամրագրված արարքի հատկանիշների համադրումն է իրավախախտման հատկանիշների հետ: Իրավախախտման հատկանիշները համարվում են պարզված, երբ տեսանյութում կամ լուսանկարում ամրագրված արարքի հատկանիշների և իրավախախտման հատկանիշների համապատասխանությունը կասկած չի հարուցում, իսկ կասկածի դեպքում մեկնաբանվում է իրավախախտման փաստի առկայությունը համարվել է կասկածելի:

Ճանապարհային ոստիկանության վարչական տույժ նշանակելու մասին թիվ 1808303138, 1808299064 որոշումներով արձանագրված իրավախախտումներն ամրագրած տեսանյութերի լրացուցիչ ուսումնասիրության արդյունքում իրավախախտման փաստի առկայությունը համարվել է կասկածելի:

Ինչ վերաբերում է թիվ 1808302363, 1808323021, 1808375115 որոշումներին, ապա դրանք վերանայելու հիմքեր չկան, քանի որ Ճանապարհային ոստիկանության վարչական տույժ նշանակելու մասին որոշումներով իրավախախտումներն ամրագրած տեսանյութերը փաստում են, որ դիմումատուին պատկանող տրանսպորտային միջոցը տեղակայված է երթևեկելի մասի երկրորդ շարքում:

ՀՀ կառավարության «Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին»» թիվ 955-Ն որոշման 80-րդ կետի համաձայն՝ տրանսպորտային միջոցը տեղակայել թույլատրվում է երթևեկելի մասի եզրին զուգահեռ մեկ շարքով՝ բացառությամբ այն տեղերի /երթևեկելի մասի տեղային լայնացում/, որտեղ գծանշմամբ թույլատրված են տրանսպորտային միջոցների դասավորման այլ ձևեր:

Ինչ վերաբերում է թիվ 1808406867, 1808421183 որոշումներին, ապա դրանք ևս վերանայելու հիմքեր չկան, քանի որ Հայաստանի Հանրապետությունում տեղադրված բոլոր արագաչափի սարքերը ստուգաչափված են ՀՀ տնտեսական զարգացման և ներդրումների նախարարության «Հափազիտության ազգային ինստիտուտ» ՓԲԸ-ի կողմից և դրանց արձանագրած արագությունը համապատասխանում է տրանսպորտային միջոցների փաստացի արագությանը:

Վիճարկվող որոշումների հիմքում որպես ապացույց դրված են միայն լուսանկարները (արագաչափի սարքը տեսանյութ չի պարունակում), որոնց ուսումնասիրությամբ հիմնավորվել է, որ չեն կարող կասկածի տակ դրվել իրավախախտումները հենց դիմումատուին պատկանող տրանսպորտային միջոցով կատարելու փաստերը, քանի որ դրանցում նշված են իրավախախտում կատարած տրանսպորտային միջոցի երթևեկության ուղղությունն ու գոտին, որոնցում պատկերված է միայն վերջինիս պատկանող տրանսպորտային միջոցը:

Ինչ վերաբերում է Ճանապարհային ոստիկանության վարչական տույժ նշանակելու մասին 31.07.2018թ. թիվ 1808385532 որոշման մաս կազմող իրավախախտումն ամրագրած տեսանյութում հստակ ապացուցում է դիմումատուի կողմից 07.07.2018թ. ժամը՝ 19:25-ին Երևան քաղաքի Արգիշտի-Մաշտոցի խաչմերուկի հատվածում 1.3 հանդիպակաց հոսքերն իրարից բաժանող գծանշման պահանջը չկատարելու փաստը, հետևաբար վերջինիս վարչական պատասխանատվության ենթարկելու մասին որոշումը հիմնավոր է և իրավաչափ:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին և 3-րդ կետերով՝

1. Ճանապարհային ոստիկանության վարչական տույժ նշանակելու մասին 1808302363, 1808323021, 1808385532, 1808421183, 1808375115 և 1808406867 որոշումները թողնել անփոփոխ, իսկ վարչական բողոքն առանց բավարարման:
2. Ճանապարհային ոստիկանության վարչական տույժ նշանակելու մասին թիվ 1808303138, 1808299064 որոշումները բեկանել և վարչական իրավախախտման վերաբերյալ գործը կարճել:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Էլիանոռա Տրիբունսկայաին:

Կատարող՝ Ա. Ղափլաեյան



Ե. Կարապետյան